



АСТАНА

АҚШАМЫ

№11 сайлау округі бойынша
Астана қалалық мәслихатының
депутаттығына үміткер

Сайлаубек БАЙБОЛОВ



Меніңше, әр депутат өз сайлаушыларының, жалпы қала тұрғындарының мұң-мұқтажын қорғауға, еліміздің жарқын келешегі жолында еңбек етуге тиісті. Бұл үшін оның жан-жақты білімі, өмір тәжірибесі болуы шарт.

Мен өмір жолымды шахтер, мұғалім болып бастап, әлеуметтік салада әртүрлі басшы қызметтер атқардым. Облыстық атқару комитеті төрағасының орынбасары болған кезімде, басқа қызметтерде де халыққа білім беру, мәдениет, денсаулық сақтау, спорт, әлеуметтік қамсыздандыру шараларымен жіті шұғылдануға тура

САЙЛАУШЫЛАР ҮМІТІН АҚТАУ ПАРЫЗ

келді. Бұл маған мәслихатта астананы дамытудың әрқилы бағдарламаларын қарағанда, оларға дұрыс сараптама беріп, ұғымды ұсыныстар жасап, нақтылы шешім жолдарын айқындағанда көмектесті.

Елбасы айтқандай, бар істің түйіні халықтың тұрмыс жағдайын жақсартуда болып отыр. Осы тұрғыда Өндіріс кентінде істелген жұмыстар баршылық. Депутат ретінде өткен қалалық мәслихаттың 49 сессиясында 37 рет сөйлеп, жиырмадан астам хаттама жазып, 134 мектепке ғимарат беру, 139 мектепке жаңа ғимарат салу, кентті сумен қамтамасыз ету, көшелерді жөндеу, қардан, қоқыстан тазалау, телефондандыру сияқты көптеген мәселелерді көтердім. Қала басшылары оларды оңтайлы шешіп келеді.

Әрине, істелген іс өз жалғасын тауып отыратыны өмір заңы. Негізінен мәслихаттың жұмысы астаналық деңгейге сай келіп, қалалық әкімшілік мекемелермен тығыз байланыста жүргізілуіне ұмтылуымыз керек. Индикативті бағдарламалар мен әр жылғы бюджеттің қаржыны кезектегі жұмыстарды уақытылы шешуге, әсіресе қала экономикасын, құрылысын, мәдениетін дамытуға, әлеуметтік саланы басымырақ қолдауға бағытталуы тиіс.

Монополистердің жылуды, газды, электр қуатын жөнсіз қымбаттауына жол беруге болмайды. Зейнеткерлер мен мүгедектерге, тұрмысы төмен және көпбалалы жанұяларға, оқушылар мен студенттерге қолда бар көмегімізді көрсетуге міндеттіміз.

Менің сайлаушыларым Өндіріс кентінің “СМП”, “Автоматика”, “Нефтяник” елді мекендерінің мәселелерін жан-жақты қарап, жүйелі түрде нақтылы шаралар қолданылуын күтіп отыр.

Кандидат ретінде менің бағдарламама сәйкес мұнда монша, базар, дүкен, клубтар салу керек. Осы уақытқа дейін ондаған көшелерде су құбырлары, электр жарығы жоқ, жолдары жөндеуден өтпеген, телефон жүйесімен қамтылмаған. Жеке меншіктегі малды бағуды ұйымдасқан түрде жүргізу де халық талабы.

Осы жақта тұрғындардың саны жыл сайын еселеніп өсуде. 1999 жылы мұнда екі мектеп болса, қазір 4 мектеп пен бір балақша бар. Бірақ, онда балалар сыймай жатыр. Сондықтан, тағы жаңа мектеп пен балабақша салу қажет-ақ. Осындай қомақты да қиын, көп қаражат тілейтін мәселелерді қала басшыларымен бірге шешуге өз үлесін қосу — әрине, мен сияқты бүгінгі кандидаттардың ертең депутат болса, алдағы негізгі міндеті. Сондықтан депутат болу үшін халық алдында осындай үлкен жауапкершілікті сезіне білу шарт. Бұл тұрғыда сайлаушыларым маған толық сенім артса, соны ақтауға мен бар мүмкіншілігімді, іс-тәжірибемді қолданар едім. Депутаттың күші сайлаушыларда, олармен тығыз байланысында деп білемін.